



Cussegl da vischnaunca
31-2009/2012

Donns da malaura

Credit supplementar per remeduras urgentas

M E S S A D I

dalla suprastonza communal a cussegl da vischnaunca

Preziada signura presidenta
Preziadas signuras cusseglieras
Prezias signurs cussegliers

La dracca dils 13 resp. 17 da fenadur 2011 ha caschunau considerabels donns. Cunzun en las vals Magriel, Acletta, Clavaniev, Sogn Placi, Lumpegna (Stalusa), Val da Crusch ed el contuorn dil Rein ha ei dau donns vid punts, piogns ed uors. Singuls donns sco la punt a Fontanivas, la Bova Gronda ed a Crap Furau ein gia vegni refatgs. Il rapport aschuntau digl uffeci forestal e digl uffeci da baghegiar dat ina detagliada survesta dil succediu.

Ils organs responsabels han priu investa dalla situaziun ed ein vegni alla conclusiun ch'ei seigi urgentamein necessari da prender disposiziuns per saver traversar ils loghens pertuccai, respectivamein per impedir pli gronds donns en cass ch'ei havess da dar novas malauras. Per ils objects che ston vegnir reparai immediatamein, eis ei vegniu inoltrau offertas. Cunquei che las interpresas ein dapresent beinoccupadas e che las lavurs ston vegnir exequidas ellas proximas jamnas, ein ils prezis empau aults. Quei vala specialmein per la furniziun da crappa, che sto haver ina dimensiun speciala e ch'ei scarta. En contractivas cun ils sorprendiders eis ei stau pusseivel da contonscher ina reduziun dils prezis, aschia ch'els ein supportabels.

La suprastanza communalha ei en contractivas cun igl uffeci cantunal da construcziun bassa per sondar, schebein ei füss pusseivel d'obtener ina contribuziun cantunala. Dacuort ha ina uatga giu liug cul representant digl uffeci cantunal.

Igl uffeci d'uaul prepara dus projects a Pardi ed a Fontanivas. Quels cuosts ein buca integrai els cuosts per las mesiras urgentas. Las lavurs vid la via forestala denter Rusettas e Plaun Tir ein instradadas. L'assicuranza per donns elementars ha entschiet a registrar e schazegiar ils donns. Ils donns a Pardi vegnan probablamein refatgs en connex cul project forestal. Ils detagls vegnan sclari denter la cassa per donns elementars ed igl uffeci da meglieraziun.

La refatga ell'alp Run sespleiga sur in project forestal. Per ils ulteriurs donns succedi resp. per correcturas urgentas ston ins quintar cun cuosts da ca. frs. 12'000.--.

Sin fundament dallas offertas inoltradas e dallas contractivas succedidas drova ei ils suandonts credits per las lavurs urgentas:

Alp Run (schazetg)	frs.	12'000.00
Mesiras immediatas (schazetg)	frs.	12'000.00
Val Acletta	frs.	228'000.00
Stalusa - Val da Crusch	frs.	21'500.00
Project e survigilanza	frs.	<u>15'500.00</u>

Cuosts totals **frs. 287'000.00**

L'execuziun da quellas lavurs ei urgenta. En ina tala situaziun ei la suprastanza communalha autorisada da prender immediatamein las disposiziuns per impedir ulteriurs donns. Per tuttina observar rigurusamein las cumpetenzas finanzialas suttamettein nus la damonda per il credit necessari per quellas remeduras urgentas alla cumissiun da gestiun ed al cussegl da vischnaunha.



Proposta

La suprastanza communalha

p r o p o n a

al cussegl da vischnaunha:

1. da conceder in credit total da frs. 287'000.-- per saver exequir immediatamein las lavurs per refar ils donns capitai dalla malaura dil fenadur 2011;
2. da prender enconuschientscha ch'ei setracta da mesiras urgentas e che quellas ston vegnir exequidas immediatamein per impedir ulteriurs donns;
3. da suttametter quei conclus el senn d'art. 21, lit. c dalla constituziun communalha al referendum facultativ.

Suprastanza communalha Disentis/Mustér
Il president:  Il vicecanzlist: 
Dr. Dumeni Columberg Romeo Schmed

Disentis/Mustér, ils 28 da fenadur 2011